



UNIVERSITÄTS-
BIBLIOTHEK
PADERBORN

Institutiones Canonicæ Sive Ius Ecclesiasticvm

Wiestner, Jacob

Monachii, 1706

III. De Criminibus, Conjugium Impedientibus.

[urn:nbn:de:hbz:466:1-62672](#)

media nocte vult inchoari; quod Tridentini decretum & Jura antiquiora, nuptias ab Adventu prohibentia, interpretationem accipiunt à Concilio Ravennatense XI. celebrato sub Clemente V. prohibitionem illam inchoari afferente ab Adventus primâ Dominicâ: quam à media nocte inchoari, certum est. Unde Dominicam instantem antecedente Sabbatho totò nuptias celebrare fideles, spectatò Jure, possent: & fortassis in Germania quandoque celebrentur, si earum solennitati carniprivium & Sabbathinæ diei veneratio non obstareret.

ARTICULUS III.

De Criminibus Conjugium Impedientibus.

SUMMARIUM.

37. Varia crima matrimonio obstant.
38. Id impediunt I. Fornicatio cum consanguinea uxoris vel sponsæ,
39. II. Raptus alienæ sponsæ,
40. Igitusque in rapum consensus:
41. Saltum, si sponsa sit de presenti,
42. III. Cedes propria uxori,
43. Facta auctoritate propriâ:
44. Etiam si ea in adulterio sit depressa.
45. Cade mariti impedimentum induci, quidam negant.
46. Melius alii affirmant.
47. IV. Presbytericidium.
48. V. Matrimonium cum Moniali.
49. VI. Susceptio prolis sua ex Baptismo sine necessitate.
50. VII. Panitia publica.
51. VIII. Prolis sua intercessio.
52. Testimonium Navarri de horum crimineum impedimentis,
53. Consuetudine sublatio.

Varia sunt crima, producentia impedimentum nuptiale: quorum quædam, ut in iuri coniugis mortem Machinatio, Adulterium cum contractu vel promissione matrimonii, istius contractus Clandestinus & Raptus, contrahendi matrimonii animo perpetratus, matrimonii valori: alia complura eorum honestati duntaxat obstant. Posteriorum

Primum est Incestus, commisus cum consanguinea suæ uxoris vel cum consanguineo sui mariti c. 1. & c. Transmissio 4. de Eo, qui cognovit consang. uti & Fornicatio sponsi de futuro cum sponsa suæ consanguinea, huic primò gradu conjuncta, hoc est, cum sponsa matre, filia vel sorore: & sponsa cum primi gradus consanguineo, hoc est, cum patre, filio vel fratre sponsi, c. Veniens 2. eadem Rubric. Ex cuiusmodi criminis ortum nuptiale impedimentum supra Tit. 13. à n. 4. est declaratum.

Secundum, Raptus alienæ sponsæ; istius enim raptori, non cum rapta duntaxat, sed etiam cum alia quacunque matrimonii ineundi jus ademptum est can. Statutum 27. q. 2. verbis, Statutum est à sacro conventu, ut, si quis sponsam alterius rapuerit, sine spe conjugii maneat: & qui ex ipsis interpretationem accipit, can. Si autem 36. q. 2. Rationem reddit Sotus in 4. disp. 27. q. unica, art. 1. quod, qui alienum conjugium perturbare ausus est, proprii contrahendi jure merito privetur; ut in eo, in quo deliquit, puniatur, c. Cum olim 33. de Offic. deleg.

Idem cuicunque alteri viro nubendi impedimentum etiam à sponsa rapta, si raptori consentiat, contrahi, cum Sanchez Lib. 7. de Matrim. disp. 12. n. 44. vult Palao cit. p. & §. 2. n. 9. & sa tis clare à contrario deducitur argumentum defumitur

M m EX can.

ex can. Statutum cit. verbis, *Et si ipsa eidem criminis consentiens non fuerit, licentia nubendi alii non negetur.* Unde etiam ista, matrimonii, quod ligata est, vinculo dissoluto, aliud conjugium inire non potest; quod tali casu tam matrimonio, quam viro, cui despontata est, injuria ab ipsa non minor, quam a rapto re inferatur. Quae sicut satis certa, ita

41. Incertum controversumque est, an can. Statutum cit. de sponsa de praesenti tantum, vel etiam de futuro, sit intelligendus. Sunt enim, qui in can. cit. cum Glossa V. Rapuerit, Archidiacoно in pr. & Turrecremata n. ult. eodem proditum nuptiarum impedimentum foemina etiam de futuro tantum despontatae raptu contrahi, velint; quod textus loquatur generaliter & sine ulla inter personas despontatas distinctione; ideoque locus sit arg. can. Consulusti 18. V. Et quod 2. q. 5. & l. De pretio 8. ff. de Public. in rem aet. Ita isti & probabilitate omnino. Alii tamen non minori probabilitate cum Paludano in 4. dist. 34. q. 1. art. 2. n. 3. & cit. Sanchez n. 45. can. cit. verba, *Si quis sponsam alterius rapuerit, de sponsa de praesenti, sive uxore aliena, accipienda volunt, ea permoti ratione; quod in materia penali & odiosa sponsa nomine, non generaliter quaecunque, sed ea duntaxat veniat, quacum sponsalia per verba de praesenti sunt contracta.*

42. Tertium est Uxoridium. Non quidem animo matrimonii cum alia cades conscientia in eamque consentiente ineundi; cum hac intentione perpetrata conjugis cades matrimonium omnino dirimat, c. 1. de Convers. infidel. ut Tit. 7. n. 13. est dictum. Neque etiam, si uxor de criminis convicta & ad mortem condemnata auctoritate publica interficiatur, arg. can. *Quicunque 33. q. 2. ibi, Qui uxorem absque lege & sine probatione inter-*

ficerit. Unde a contrario inferatur, secundum leges & ex publica probatione facta uxoris imperfectio matrimonium non impediens. Sed si ea ex precipiti ira, odio, vindicta, privatâ auctoritate occidatur; hoc enim casu maritum, uxoris suæ imperfectio, a conjugio cum alia ineundo impediens, pater ex can. Interfectores 5. can. *Quicunque cit. can. Admonere, 33. q. 2.*

An etiam, si occidat eam in adulterio deprehensam, dubium facit; quod ejus cædem non solùm prisca à Romulo latâ, teste Plutarcho: sed posterioribus etiam legibus marito permissem, clare satis innuat can. *Inter hac 6. q. cit. ubi Nicolao I. de uxore adultera proposita est quaestio, utrum marito liceat tecum dū Mundanam legem eam interficere; idemque Longobardorum & aliarum Gentium legibus & moribus receptum fuisse, perhibeat Tholosan. Syntag. Lib. 36. cap. 6. à n. 21. & secundum l. Græc. ebus 4. C. ad l. Jul. de Adult. etiam adulteri in flagitio deprehensi interfector mitius puniendus sit, ob iustum dolorem, quem difficillimum sit temperare l. Si adulteriu 38. §. 8. ff. ad L. Jul. de Adult. Nihilominus uxor, etiam adulteræ, cædem ademptione spei conjugij cum alia quacunque ineundi plecti, Canones Ecclesiastici voluerunt, can. *Interfectores 5. & can. Inter hac 6. q. cit. quibus & can. Si quod verius 9. q. cit. texibus leges Civiles, si quæ adulteræ uxor cædem impunitam relinquunt, merito sunt correctæ; quod nimiam licentiam præberent, reum non auditum & non exanimata causâ interficiendi in statu, in quo de salute æterna maximè periclitatur: quòd modò perpetrata cædem à morte. li culpa non excusari, cum S. Thoma in 4. dist. 37. q. 2. art. 1. Covarruvia de Sponsal. p. 2. cap. 5. §. 7. n. 15. & alia docent**

docent Molina *Tract. 3. de I. & I. disp. 7.*
n. 2. & disp. 99. n. 14. Sanchez *cit. Lib.*
7. disp. 16. n. 2. & duo Barbosa Petr. *in*
I. Si ab hostibus 10. §. fin. ff. Solut. Ma-
trim. n. 43. Augusti. *in can. Inter hac*
cit. n. 1.

45. Magis inter DD. controversum du-
biūmque est, an nuptiarum spe etiam
privetur uxor interficiens maritum. Id
enim non obscurè cum S. Thoma *cit. q.*
2. art. 2. Turrecremata *in can. Interfe-*
ctores cit. art. 2. n. 5. & cum Sylvestro
V. Matrimonium 7. q. 6. d. 1. dilatè ne-
gat *cit.* Sanchez *n. 6.* ex ratione; quod
conjugii jus & spem viricidio amitti, nul-
lo Jure sit expellsum; cum allegati tex-
tus omnes de cæde uxoris loquantur;
neque eadem ratio sit cædis mariti, quæ
uxoris; cum enim natura sua viri auda-
ces, fœminas timidæ sint, ideoque mi-
nus facile & frequenter istæ, quam illi
in conjugis sui mortem machinentur, con-
stitutæ in conjugis interfectorem nuptia-
li impedimento uxoribus, quam viris,
confundenti major ratus fuit.

46. Sed fundamentum hoc speciosum
magis, quam solidum est; cum non de-
siderentur textus Juris, qui conjugii spem
adimant uxoribus, insidianibus vita ma-
ritorum: eamque adimendi ratio ipsas
non minus afficiat, quam maritos; quan-
tumvis enim haec tenus allegati textus non
meminerint fœminarum, idem tamen juris
de istis est, eruit ex *can. Indignan-*
tur 32. q. 6. & exprimitur *c. 1. de Di-*
vortiis, ubi mulier propter insidias ma-
riti vita structas spe conjugii perpetuò
privatur: quantumvis machinatio non
consecuta sit effectum. Ergo multò magis
illius spe excidet, cum homicidium opere
subsequitur: sicut, hōc subsecuto, eā
excidit maritus; cum in correlativis di-
spositio de uno alterum comprehendat,
quando eadem ratio est utriusque: ratio

autem maritum uxoricidam à conjugio
omnino removendi, *can. Admonere cit.*
reddatur; quia occidisti partem corporis
tui legitimō matrimonio sociatam, filios
orphanos fecisti: que cum æquè in fœ-
mina viricida ac uxoricida viro procedat,
illi etiam alterius conjugii spem à Jure
præcisam, sati probabiliter defendunt
Navarrus Manual. cap. 22. n. 74. Gut-
tieres *de Matrim. cap. 88. n. 4.* Canisius
in c. 1. cit. n. 2. Pontius *Lib. 6. de Ma-*
trim. cap. 14. n. 2. Palao *Tract. 28. disp.*
4. p. 5. §. 2. n. 7. & Gonzalez *in c. 1.*
cit. n. 3. & 14.

Quatum hujusmodi impedimentum 47.
est Presbytericidium, sive interfectio Sa-
cerdotis *c. 2. de Panit. & Remiss.* cuius
textus est, *Qui Presbyterum occiderit*
&c. convictu usque ad ultimum vite sue
tempus militia cingulō careat & absque
spe conjugii maneat. Unde crimen hoc,
ut nuptiale impedimentum inducat, in
judicio externo legitimè probari oportet,
neque ejus aliás occulti, in inter-
no sive Pœnitentiæ foro confessionem
sufficere, cum Panormit. *in c. cit. n. 1.*
Ant. de Burrio *ibid. n. 6.* & aliis rectè
advertisit *cit.* Sanchez *disp. 6. n. 9.* quod
relato textu à conjugio arceatur, qui de
ejusmodi cæde est convictus: quod acci-
dit in externo & contentioso, non in in-
terno sive Conscientiæ foro; cum enim
in isto desideretur rei accusator, & te-
stes, aliaque probationes non admittan-
tur: sed crimina judici solius pœnitentis
ultronea confessione innotescant, convi-
ctus in eo dici nemo potest.

Quintum, matrimonium initum 48.
cum sanctimoniali, *can. Iis ergo, 27. q.*
I. quantumvis enim id propter solenne
votum continentia irritum, nullumque
sit, *c. Meminimus 3. Qui Clerici & vo-*
vent. & c. Unico, de Voto in 6. vir tamen,
qui sacratam Deo fœminam ad injuriam
Christi

M m 2

Christi sibi copulare præsumperit, in tantæ temeritatis pœnam matrimonium cum alia inire perpetuò prohibetur, *Glosa in can. cit. V. Nunquam & Sanchez l. cit. n. 11.*

49. Sextum est propriæ sobolis ex sacro fonte suscepio, *can. De eo, 30. q. 1.* Non in necessitate; cum istâ urgente problem suam baptizans & ex Baptismo levans debiti exigendi jus retineat, *can. Ad limina 7. q. cit.* & alterius conjugij mortua sua uxore ineundi spem non amittat. Sed ex industria, ut habet *can. De eo cit.* hoc est, malitiosè, arg. c. *Sævir 2. V. Ex malitia, de Cognat. Spirit. & animo insidiandi matrimonio*, sive alterum conjugem privandi debito conjugali; ut spe conjugii, cuius impedimentum ponere voluit, perpetuò privetur, *citt. Sanchez n. 8. & Palao §. 2. n. 19.*

50. Septimum, Pœnitentia solennis seu publica, quamdiu hæc agitur, *can. fin. 33. q. 2.* quod nupia secum ferant luctiam, non convenientem illi, qui pœnitentia & luctui est adstrictus. Peracta autem pœnitentia matrimonium permisum est *can. Si quicunq; duabus 33. q. 2.* *Sanchez ibid. n. 10. & Palao §. cit. n. 12.*

51. Octavum denique est interfectio proprii filii c. 1. de *His, qui fil. occid.* ubi mulieri, prolixi sue interfectrici, conjugii ineundi licentia tribuenda assuritur, si repugnante carnis fragilitate, incontinentia timor subdit, minimè obscurò argumento, ejus timore & periculo celsante, conjugium denegandum, ut cum *cit. Sanchez n. 12.* notat *Barbosa in c. cit. n. 6.*

Non levis momenti & non infrequentis in praxi usus dubium est, an relatis criminibus annexa à Jure impedimenta matrimonii contrahendis hodie quoque obstant. In quo Doctores varie sentiunt ac loquuntur. Imò aliqui, an

ea consuetudine, quâ ab aliis sublata afferuntur, tolli possint, ambigere videntur.

Mihi tamen plurimorum instar est *§. 12.* hac de re testimonium *Navarri*, viri, à *Conscientia questionum*, ad ipsum ex universi Orbis partibus delatarum, resolutionibus celeberrimi: qui cum seculum vivendo & ferè totum literariis laboribus absumpsiisset, & in diversis provinciis, Romæque diu moratus fuisset, tamen *Manual. cap. 22. n. 75.* de *Incessu & n. 85.* de aliis hujusmodi ex crimine ortis conjugiorum obstaculis loquens, disertè ait, se, in tanta ætate, in iis dispensationem peti, nec vidisse, nec audiisse. Unde *Turrecremata in can. Nullus 31. q. 1. n. 3.* *Gaëta in can. Ad limina cit. §. 4. n. 408.* *Henriquez Lib. 12. cap. 2. n. 1. lit. R. Lessi Lib. 4. de I. §. 1. cap. 3. n. 68. cit. Sanchez disp. 17. n. 8.* *Pontii Lib. 6. cap. 14. n. 4.* & aliorum *VV.* communis & RR. DD. satis concors sententia est, ea universaliter consuetudine esse sublata. Toli autem potuisse extra controversiam est; cum omnibus Jure positivo Ecclesiastico: imò pleraque non à summis Pontificibus, sed à Provincialibus Conciliis, legem Ecclesie universalem condendi potestatem non habentibus, sint introducta, ut probè advertit *Sotus in 4. dist. 37. q. uniu. art. 2.* Juri autem positivo Ecclesiastico derogandi, eoque introducta impedimenta abrogandi vim legitimè præscriptæ consuetudini competere *c. fin. de Consuetud. fit. decismus*, & cum *Innocentio in c. 1. de Cognat. Spirit. in fine*, *Turrecremata in can. Placuit 13. dist. 32. art. 2.* & aliis tradant *Suarez Lib. 7. de LL. cap. 19. n. 14.* & *Rochus de Curte in c. fin. cit. §. 2. n. 34. & 35.* juxta dicta ad *Tit. 1. n. 187.*

ARTI-